

ՏԵՂԵԿԱՆՔ

2014 ԹՎԱԿԱՆԻ ԳԵՐԱԿԱ ԽՆԴԻՐՆԵՐԻ ԵՎ ՄԻՋՈՑԱՌՈՒՄՆԵՐԻ ԻՐԱԿԱՆԱՑՄԱՆ ԱՐԴՅՈՒՆՔՆԵՐԻ
ՄԻՋՈՑԱՌՈՒՄՆԵՐԻ ԻՐԱԿԱՆԱՑՄԱՆ ԱՐԴՅՈՒՆՔՆԵՐԻ ՎԵՐԱԲԵՐՅԱԼ

Պատասխանատու մարմինը	Ծրագրի կետը	Միջոցառումների անվանումները	Միջոցառումների կատարման արդյունքները
ՀՀ գյուղատնտեսության նախարարության ջրային տնտեսության պետական կոմիտե	98.	«Ոռոգման նպատակով 2014 թվականին Սևանա լճից ջրառի մասին» ՀՀ կառավարության որոշման նախագիծը ՀՀ կառավարություն ներկայացնելը:	ՀՀ կառավարության 23.04.2014թ. N432-Ա որոշմամբ ընդունվել է <<Ոռոգման նպատակով 2014 թվականին Սևանա լճից ջրառի մասին>> ՀՀ կառավարության որոշումը: Համաձայն <<Սևանա լճի էկոհամակարգի վերականգնման, պահպանման, վերարտադրման և օգտագործման միջոցառումների տարեկան ու համալիր ծրագրերը հաստատելու մասին>> ՀՀ օրենքում լրացումներ կատարելու մասին>> ՀՀ օրենքի՝ 2014 թվականի համար առավելագույն չափաքանակ է սահմանվել 270 մլն.խոր.մետրը: Վերը նշված օրենքի 1-ին հոդվածով հաստատված Ժամանակավոր ծրագրի 5-րդ կետի 1-ին պարբերությամբ նախատեսված է, որ Սևանա լճից ջրի բացթողումների տարեկան առավելագույն չափաքանակից (170.0 մլն.խոր.մետր) ավել բացթողումը պետք է իրականացվի Հայաստանի Հանրապետության կառավարության համապատասխան որոշումներով՝ ջրային համակարգերի կառավարման լիազորված պետական մարմնի ներկայացրած մեկամսյա կանխատեսումային առաջարկությունների հիման վրա: ՀՀ կառավարության 17.07.2014թ. <<Հայաստանի Հանրապետության կառավարության 2014 թվականի ապրիլի 23-ի N 432-Ա որոշման մեջ փոփոխություն կատարելու մասին>> N696-Ա որոշմամբ Սևանա լճից ջրառի չափաքանակն ավելացվել է մինչև 245.0 մլն. խոր. մետր: 2014թ. օգոստոսի 14-ին ընդունվել է ՀՀ կառավարության <<Հայաստանի Հանրապետության կառավարության 2014 թվականի ապրիլի 23-ի N 432-Ա որոշման մեջ փոփոխություն կատարելու մասին>> N857-Ա որոշումը, որով Սևանա լճից ջրառը սահմանվել է 270 մլն.խոր.մետր:

ԳԵՐԱԿԱ ԽՆԴԻՐՆԵՐԻ ԻՐԱԿԱՆԱՑՄԱՆ ԱՐԴՅՈՒՆՔՆԵՐԻ ՎԵՐԱԲԵՐՅԱԼ			
Պատասխանատու մարմինը	Ծրագրի կետը	Գերակա խնդիրները	Գերակա խնդրի կատարմանն ուղղված քայլերը
ՀՀ գյուղատնտեսության նախարարության ջրային տնտեսության պետական կոմիտե	78.	Խմելու ջրի կայուն և հուսալի ջրամատակարարում, որակի ապահովում, ջրի կորուստների կրճատում, ջրամատակարարման տնտեսության աստիճանական ավելացում նախորդ տարվա նկատմամբ առնվազն 1 ժամով, Սևանա լճի բնապահպանական խնդիրների լուծմանն ուղղված միջոցառումների իրականացում, խմելու ջրի մատակարարման և ջրահեռացման համակարգերի վերանորոգում ու կառուցում, ջրային տնտեսության ոլորտի հետագա զարգացման ռազմավարական ծրագրերի մշակում, ինչպես նաև ջրամատակարար կազմակերպությունների կողմից չսպասարկվող բնակավայրերում ուսումնասիրությունների ավարտում և ներդրումային ծրագրերի նախապատրաստում:	-2014 թվականին համակարգի կազմակերպությունների կողմից ապահովվել է մատակարարվող խմելու ջրի որակը, կայուն և հուսալի ջրամատակարարումը, ավելացել է ջրամատակարարման միջին տնտեսությունը: -<<Հայջրմուղկոյուղի>> ՓԲԸ-ի սպասարկման տարածքում ջրամատակարարման օրական միջին տնտեսությունը կազմել է 17.55 ժամ: Կորուստները նախորդ տարվա 78.26%-ի համեմատ նվազել և կազմել են 76.6%: -Համաշխարհային բանկի աջակցությամբ իրականացվող «Համայնքային ջրամատակարարման ծրագրի» շրջանակներում իրականացվել են ջրամատակարարման համակարգերի բարելավման աշխատանքներ, այդ թվում՝ «Մասիս քաղաքի և հարակից չորս գյուղերի ջրամատակարարման համակարգերի վերակառուցում» ենթածրագրի շրջանակներում իրականացվել են ընդհանուր երկարությամբ 78.8 կմ ջրատարերի, բաշխիչ ցանցերի, մուտքագծերի կառուցման աշխատանքներ, ինչպես նաև 2819 հատ անհատական տների ջրաչափական հորերի տեղադրման աշխատանքներ: «Էջմիածին քաղաքի և հարակից 4 գյուղերի ջրագծերի վերակառուցում» ենթածրագրի շրջանակներում իրականացվել են ընդհանուր երկարությամբ շուրջ 51.8 կմ ջրագծերի և մուտքագծերի կառուցման աշխատանքներ, ինչպես նաև 2357 անհատական տների ջրաչափական հորերի տեղադրման աշխատանքներ: «Աշտարակ քաղաքի և հարակից 4 գյուղերի ջրագծերի վերակառուցում» ենթածրագրի շրջանակներում իրականացվել են ընդհանուր երկարությամբ շուրջ 61.9 կմ ջրատարների, բաշխիչ ցանցերի կառուցման աշխատանքներ, ինչպես նաև տեղադրվել են 1540 հատ ջրաչափական հորեր: -Վերակառուցման և զարգացման եվրոպական բանկի աջակցությամբ իրականացվող <<Հայաստանի փոքր համայնքների ջրային ծրագրի>> շրջանակներում նախատեսվել է Հայաստանի թվով 17 համայնքների ջրամատակարարման և ջրահեռացման բարելավման

		աշխատանքներ, այդ թվում՝ Ջերմուկ և Դիլիջան քաղաքներում կեղտաջրերի մաքրման կայանների կառուցում: Հաշվետու ժամանակաշրջանում իրականացվել են ընդհանուր երկարությամբ 332.15 կմ ջրատարների, ջրագծերի, բաշխիչ ցանցերի, կոյուղու կոլեկտորների, կոյուղացանցերի, կառուցման աշխատանքներ: Ջերմուկ և Դիլիջան քաղաքներում կառուցվել են կեղտաջրերի մաքրման կայաններ: -Ասիական զարգացման բանկի աջակցությամբ իրականացվող ներդրումային ծրագրի շրջանակներում իրականացվել են ընդհանուր երկարությամբ 724.7 կմ ջրագծերի, մուտքագծերի կառուցման աշխատանքներ, տեղադրվել են թվով 18887 հատ ջրաչափական հորեր: -KfW բանկի ֆինանսավորմամբ <<Համայնքային ենթակառուցվածքներ II>> ներդրումային ծրագրի 2-րդ փուլով իրականացվող <<< Լոռու (Վանաձոր) մարզի ջրամատակարարման և ջրահեռացման համակարգերի վերականգնում> ծրագրով կառուցվել են ընդհանուր երկարությամբ շուրջ 86 կմ ջրագծեր և ընդհանուր երկարությամբ շուրջ 3 կմ կոյուղու ցանց: Ծրագրի շրջանակներում ավարտված աշխատանքների արդյունքում նոր վերականգնված գոտիներում ապահովվել է շուրջօրյա ջրամատակարարում, իսկ հին գոտիներում ջրամատակարարման օրական միջին տևողությունը կազմել է 19.6 ժամ: <<Լոռի-ջրմուղկոյուղի>> ՓԲԸ-ի սպասարկման տարածքում կորուստները կազմել է 83.3%: -<<Շիրակի (Գյումրի) մարզի ջրամատակարարման և ջրահեռացման համակարգերի վերականգնում>> ծրագրի շրջանակներում կառուցվել են ընդհանուր երկարությամբ շուրջ 138.3 կմ բաշխիչ ցանցեր, տեղադրվել են 3700 տնային դիտահորեր: <<Շիրակ-ջրմուղկոյուղի>> ՓԲԸ-ի սպասարկման տարածքում ծրագրի շրջանակներում ավարտված աշխատանքների արդյունքում նոր վերականգնված գոտիներում ապահովվել է շուրջօրյա ջրամատակարարում, իսկ հին գոտիներում ջրամատակարարման օրական միջին տևողությունը կազմել է 18.6 ժամ: <<Շիրակ-ջրմուղկոյուղի>> ՓԲԸ-ի սպասարկման տարածքում կորուստները կազմել է 87.2%:
--	--	--

		-<<Նոր Ակունք>> ՓԲԸ-ի սպասարկման տարածքում գտնվող բնակավայրերի ջրամատակարարման միջին տևողությունը կազմում է 23.57 ժամ: -<<Նոր Ակունք>> ՓԲԸ-ի սպասարկման տարածքում կորուստները կազմել է 68.65%: -Աբու Դաբիի զարգացման հիմնադրամի աջակցությամբ իրականացվող <<Արփա-Սևան>> թունելի հիմնանորոգման վարկային ծրագրով իրականացվել են վտանգավոր հատվածներում նոր ժամանակավոր ամրակապերի տեղադրման, երեսարկի, ինչպես նաև հատակի կառուցման աշխատանքներ: 2014 թվականի ընթացքում իրականացվել են աշխատանքներ, այդ թվում՝ վտանգավոր հատվածների նոր ժամանակավոր ամրակապերի տեղադրում՝ 186.62 տն, երեսարկի կառուցում 302.51 գծ.մ, ցեմենտային լցամուղում և ստուգիչ լցամուղում 3871.76 գծ.մ: -<<Կոլեկտորադրենաժային ցանցի մաքրում և ընթացիկ նորոգում, կոլեկտորադրենաժային ցանցի պահպանում և շահագործում, գրունտային ջրերի մակարդակների և որակի որոշման ծրագրերով իրականացվում են ամենամյա աշխատանքներ: 2014 թվականին իրականացվել են 156.3 կմ ընդհանուր երկարությամբ կոլեկտորադրենաժային ցանցի մաքրում, ինչպես նաև 22.24 կմ ընդհանուր երկարությամբ դրենաժային ցանցերի շահագործման աշխատանքներ:
ՀՀ գյուղատնտեսության նախարարության ջրային տնտեսության պետական կոմիտե	79.	Ոռոգման համակարգերի վերականգնման ծրագրով շուրջ 50 կմ ոռոգման ջրանցքների վերականգնում: -Համաշխարհային բանկի աջակցությամբ իրականացվող <<Ոռոգման համակարգերի վերականգնման ծրագրով>> նախատեսված աշխատանքների կատարման նպատակով խորհրդատվական ծառայությունների նախագծային աշխատանքները հաշվետու ժամանակահատվածում սկսվել են, որոնք նախատեսվում է ավարտել 2015 թվականի հունվար ամսին: ՀՀ կառավարության 27.02.2014թ. N218-Ն որոշմամբ հաստատված <<Ոռոգման համակարգերի հիմնանորոգում>> ծրագրով վերականգնվել և վերանորոգվել են ընդհանուր երկարությամբ շուրջ 20 կմ ջրանցքներ և խողովակաշարեր: Միաժամանակ գարնանային նախապատրաստական աշխատանքների շրջանակներում ոռոգման համակարգերում ջրօգտագործողների ընկերությունների կողմից իրականացվել են համապատասխան վերականգնման, վերակառուցման և մաքրման աշխատանքներ:

ՀՀ գյուղատնտեսության նախարարության ջրային տնտեսության պետական կոմիտե	80.	Ջրամբարաշինության և ենթակառուցվածքների արդիականացման ծրագրերի նախապատրաստում:	Ջրամբարաշինության և ենթակառուցվածքների արդիականացման ծրագրերի մասով հաշվետու ժամանակաշրջանում իրականացվել են. -Կապսի ջրամբարի մասով՝ <<Ջրային ռեսուրսների համատեղված կառավարում/Ախտության գետ Կապսի ջրամբարի և ինքնահոս համակարգի կառուցում>> խորհրդատվական ծառայությունների համար CES Consulting Engineers Salzgitter GmbH, Braunschweig (Գերմանիա) և Երևանի պետական ճարտարապետության և շինարարության համալսարան (Հայաստան) գործընկերներ կազմակերպության հետ 2013 թվականի հոկտեմբերի 17-ին ստորագրվել է պայմանագիր, որի կիրարկման ժամկետը 2013 թվականի նոյեմբերի 10-ն է: Նախագծանախահաշվային փաստաթղթերի կազմման աշխատանքները սկսված են և գտնվում են ավարտական փուլում: Հաջորդ փուլով նախատեսվում է իրականացնել պատվարի և ինքնահոս համակարգի կառուցման համար մանրամասն նախագծման և մրցութային փաստաթղթերի պատրաստման աշխատանքները, որի համար անցկացվելու է նոր մրցույթ: ՏՏՀ ուսումնասիրության արդյունքների համաձայն նախատեսվում է սկսել ջրամբարի կառուցման 1-ին փուլը, որով ջրամբարի ընդհանուր ծավալը կկազմի 25 մլն մ³, իսկ պատվարի բարձրությունը՝ 55մ: -Եղվարդի անավարտ ջրամբարի վերակառուցման նպատակով 2014 թվականի հունիսի 19-ից սկսվել են իրագործելիության նախնական ուսումնասիրությունները (Pre-feasibility Study) գտնվում են ավարտական փուլում: Դրանց կհաջորդեն իրագործելիության ուսումնասիրությունները (Feasibility Study), որոնք նախատեսված է կատարել 2015 թվականի փետրվար ամսից մինչև 2015 թվականի սեպտեմբեր ամիսը: -Մաստարայի ջրամբարի կառուցման նպատակով ներկայումս բանակցություններ են ընթանում Արաբական տնտեսական զարգացման Քուվեյթյան հիմնադրամի հետ: -Վեդու ջրամբարի կառուցման համար <<Վեդի ջրամբարի և նրա ոռոգման տարածքների տեխնիկատնտեսական ուսումնասիրություն և Վեդիի ջրամբարի շինարարության մանրամասն նախագծի պատրաստում>> խորհրդատվական ծառայությունների իրականացման համար <<ARTELIA
---	------------	--	--

			EAU&ENVIRONMENT>> ՀԶ (Ֆրանսիա), <<SHER Ingenieurs-Conseils>> (Բելգիա) համատեղ <<JRTUC>> LTD (որպես ենթախորհրդատու, Հայաստան) 2013 թվականի նոյեմբերի 25-ին ստորագրվել է պայմանագիր: Վեդու ջրամբարի և ոռոգման համակարգի շինարարության համար տեխնիկա-տնտեսական հիմնավորման ուսումնասիրությունն ավարտվել է և հաջորդ փուլով շարունակվելու է իրականացվել ջրամբարի և ոռոգման համակարգի շինարարության համար մանրամասն նախագծման և մրցութային փաստաթղթերի պատրաստման աշխատանքները: Վեդու ջրամբարի տեխնիկա-տնտեսական հիմնավորման ուսումնասիրության աշխատանքները Ջարգացման Ֆրանսիական Գործակալության (AFD) ֆինանսավորմամբ ավարտվել են և այժմ նախատեսվում է սկսել 29 մլն մ³ ծավալով ջրամբարի կառուցման համար նախագծային աշխատանքները: Ընդ որում՝ ՀՀ կառավարության 16.10.2014թ. N1173-Ն որոշմամբ Ֆրանսիայի Հանրապետության կառավարության աջակցությամբ իրականացվող Վեդու ջրամբարի և ոռոգման համակարգի կառուցման ծրագրով 2014 թվականի համար նախատեսվող մանրամասն նախագծի և մրցութային փաստաթղթերի պատրաստման աշխատանքների իրականացման համար ռետրոակտիվ ֆինանսավորման նպատակով ՀՀ կառավարության պահուստային ֆոնդից հատկացվել է 116.5 մլն դրամ:
ՀՀ գյուղատնտեսության նախարարության ջրային տնտեսության պետական կոմիտե	81.	Ջրային տնտեսության ոլորտի հետագա զարգացման ռազմավարական ծրագրերի մշակում, ջրամատակարարման ոլորտում կառուցվածքային և ինստիտուցիոնալ բարեփոխումների իրականացմամբ ունիվերսալ սակագնային քաղաքականության ներդրման աշխատանքների նախապատրաստում, ջրամատակարար կազմակերպությունների կողմից չսպասարկվող բնակավայրերում ուսումնասիրությունների ավարտում և ներդրումային ծրագրերի նախապատրաստում, ինչպես նաև ՀՀ ջրային օրենսգրքով նախատեսված կառավարման համակցված և խորացված ձևերի կիրառում:	-KfW բանկի ֆինանսավորմամբ <<<<-ում գործող ջրամատակարարման ընկերությունների սպասարկման տարածքից դուրս գտնվող համայնքների ջրամատակարարման և ջրահեռացման համակարգերի բարելավմանն ուղղված կիրառելիության ուսումնասիրություններ>> ծրագրի շրջանակներում իրականացվել են ուսումնասիրություններ՝ ջրամատակարար կազմակերպությունների սպասարկման տարածքից դուրս գտնվող բնակավայրերում ջրամատակարարման բարելավմանն ուղղությամբ: -Համաշխարհային բանկի կողմից ֆինանսավորվող <<DH Infrastructure Economics & Finance>> խորհրդատվական կազմակերպության կողմից <<Հայաստանի ջրային սեկտորի սակագնի ուսումնասիրություն>> ծրագրի շրջանակներում իրականացվել են համապատասխան աշխատանքներ:

		-Ջրային ոլորտի բարեփոխման ռազմավարությունը ներկայացնելու համար Հայաստանի ջրային սեկտորի ուսումնասիրության ծրագրի շրջանակներում իրականացվել են համապատասխան աշխատանքներ: Տնտեսական համագործակցության և զարգացման կազմակերպության կողմից իրականացվող <<Կեղտաջրերի կառավարման ռազմավարություն>> խորհրդատվական ծրագրով մշակել է ջրահեռացման և կեղտաջրերի մաքրման ռազմավարություն: Ջրամատակարարման և ջրահեռացման ոլորտներում պետական-մասնավոր գործընկերության զարգացման նպատակով ընդունվել են ՀՀ կառավարության 14.08.2014թ. <<Պետական-մասնավոր գործընկերության հետագա զարգացմանն ուղղված Հայաստանի խմելու ջրի ոլորտի բարեփոխումների գործողությունների ծրագիրը հաստատելու մասին>> N883-Ն և <<Երևան Զուր>>, <<Հայջրմուղկոյուղի>>, <<Լոռի-ջրմուղկոյուղի>>, <<Շիրակ-ջրմուղկոյուղի>> և <<Նոր Ակունք>> ՓԲԸ-ների կողմից սպասարկվող տարածքներում պետական-մասնավոր գործընկերության ձևը և ժամկետը սահմանելու մասին>> N888-Ն որոշումները:
--	--	--

**<< գյուղատնտեսության նախարարության
ջրային տնտեսության պետական կոմիտե**